



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

De S. Fiacrio.

urn:nbn:de:hbz:466:1-12077

DE SANCTO FIACRIO.

AD VESPERAS.

REGIÆ stirpis decoratus ortu,
Et sacri famâ celebris sepulcri,
Nos libens audi, placidôque vultu,
Sancte Fiacri.

Tu piis primæ studiis juventæ,
Sæpe Divinos reCOLENS favores,
Præcoces Christo pietatis altæ
Promis amores.

Patriam linquis, patre jam relicto;
Nec placent urbes, hominûmq; turbæ;
Solut ac pauper cupis esse toto
Exul in orbe.

Abderis denso nemoris recessu;
Corpus afflicta, cruciânsque castum,
Mens ut hinc prompto, facilique cursu
Tendat in altum.

Gaudiis cœli solitus potiri,
Cœlitum dotes simul æmularis;
Jure terrenis poteris videri
Angelus oris.

Sit decus laudis tibi sempiternum,
Qui supra cœli residens cacumen,

Jugiter trino celebraris unum
 Nomine Numen. Amen.

AD MATUTINUM.

QUAM laudum cupidos arcet
 honoribus
 Orbitans immeritis gloriæ laudibus,
 Tam quærit cupidè justa celebrium
 Rerum fama Fiacrium.

Quid frustra latebras sedulus incolis,
 Laudis promeritæ speretor amabilis?
 Hæc se ritè negat dura sequacibus,
 Occurrit fugientibus.

Sic virtutis honor te magè prædicat,
 Quò virtutis amor te minùs indicat,
 Sicut gemma suo lumine proditur,
 Cœno siqua reconditur.

Ad te crebra tui turba cupidine
 Circumquaque pio convolat agmine:
 Tu virtute potens das medicamina,
 Ægris certa levamina.

O qui nunc resides sedibus ætheris,
 Et patronus ades rebus in asperis,
 Fac puris animas vivere moribus,
 Sanis corpora viribus.

Summo summa Patri gloria jugiter,
 Laus & Nate, tibi summa perenniter,

ECCLESIASTICI. 133
Communisque simul sit tibi, Spiritus,
Laus & gloria cœlitus. Amen.

AD LAUDES.

DUM latiori lumine
Nos respicit Fiacrius,
Grato patronum carmine
Omnes canant alacrius.

Latens, fuit spectabilis,
Dignum Deo spectaculum:
Crebris potens miraculis,
Magnum fuit miraculum.

Hæc nempe Sancti gloria,
Sprevisse mundi gloriam;
Insignis hæc victoria,
Quæ dat sui victoriam.

Hinc vita felix extitit,
Mortis piæ primordium;
Et mors vicissim præstitit
Vitæ beatæ præmium.

Quin & sepulcro conditus
Vivit superstes funeri;
Nam curat ægros cœlitus
Menti medens & corpori.

Deo Patri sit gloria,
Nato, simul cum Spiritu,

Qui militantum prælia
 Fausto coronant exitu. Amen.

DE SANCTA ROSALIA
 VIRGINE.

*Cujus cultum in Ecclesiam universam
 induxit piissimus Pontifex Urba-
 nus VIII. eidemque festos dies in
 Martyrologio Romano duos attribuit;
 unum obitus 4. Septemb. alterum
 Inventionis, 15. Julii. Hymnus.*

TE, fons perennis luminum,
 Quo sacra florent lilia,
 Te, CHRISTE, sponse Virginum,
 Laudamus in Rosalia.

Hæc ad parentum gloriam
 Regum decoram sanguine
 Jungit Rosæ fragrantiam,
 Omen ferens in nomine.

Paterna linquit prædia,
 Opes caducas exuit;
 Superna libans gaudia,
 Cæleste pectus induit.